



MARA EVANGELICAL CHURCH

VACHHUH

MONTHLY NEWSLETTER



Volume 27

Monthly Newsletter

August 1/2020

Editorial

Potlâna nata vâtlâh thina

Potlâna he thina deita a vaw tlôkhei leipa tahna a châ. Thokhazy ta thi awpa chi mapi tahpa ta riapha kawpa ta bie eima rei tyh. Atanoh he thina kyh dei rei lei kha pita potlâna kyh eima reina a châ. Rev. Dr. Zodau ta Covid-19 potlâna he “Satâ chhaichhi ta ama tobi hawpa hawhta a châ” tahpa ta a rei. Hmia ahaonazy, a charianazy, akhakhainazy, niedo rairunazy, taka soh a hlâ thai khao leinazy, apakhyna diathla khohnazy, thlahchha diathla khohnazy hawhpa hluhpi a vaw tlôkheipa a châ. Sawhkha ta sikul vaw pahy ta nôpawzy khatlu ta daihty pita rairuna eima tyh tahpa he eima pahno chy. Atanoh Mara râh tawh Matupi la a siepazy he Matu sawzy ta ama chi kaw ama ta hôlô. Achhapa cha hriia a vei hluchaiapa India nata eima hnia vâta a châ. Aung San Suu Kyi ta “Covid -19 kyh ei reipa he ai-lyu taih achhi ba thlyu aw na, chahasala chyhsa sopazy ta, “achyh chai ta ei (200) chho chane leipa ta cha pha thai aw vei” ama tahpa vâta ei rei lylia aw tahpa a reipa TV new’s liata ei thei. Atanoh chhao he sasyh avaina, chhôhkhâ avaina he râh nata khih pabohsana phachaipa a châ vâta diathla lei awpa ta eima cha haw chane heih. Vatlâh thipa cha thi haw tawhta chha hawta, potlâna deikua cha, kô hluhpi taihta rietheina hluhpi a vaw tlôkhei awpa achazie he my leipa ta thlahchha lylia suh vy.

2020 Apahrana Chhithana Bu a vaw pua haw.

Atakô MEC local to châta September thla Apahrana Chhitha Bu cha Rev. Victor Ve U (Moderator) ta a vaw patôhpatia ta, “Zisu leipa ta hro he khapa hraoleipa a châ,” tahpa châbu moh paphaopa a châ. He châbu he Rev. Teitu Hall, MEC Hqrs. Lialaipi, July 23, 2020 (Pobienoh) ta Rev. Dr. L. B. Siamâ ta local to hmâ thei bâ awpa ta tlâhzawna a tao. Cha tlâhzawna liata Rev. A. Rakhai ta thlachha nata biereina a hnei. First copy zy cha Rev. Victor Ve U, Rev. L. B. Siamâ nata Rev. Dr. Zôdau zy hnohta piepa a châ. He chabu pahyna liata MEC Office, Lialaipi liata hriatuhpa zydua chhao ama hlao thei. Atahma cha he chhithana bu he local to ta paphaopa châ haw ta, bu kha ta Ks. 1000/- pie chy’pa a châ aw.

Kô hropa hlâta he chhithana bu he thei thai a chhah via ta, a chhoh bie a rônah ngâsâ. Atakô Covid-19 daihti a châpa chhao local liata Awnanopa machâ bia to ta

September thla apahrana hmâna liata Covid-19 vâta awnanopa tha a zeih hawpazy pahrana châta Khazohpa ta byhnâ pie mawh sy! Atakô apahrana program chhao a vaw hmâ pha chyuh teh u.



Staff Capacity Building achuna

Assembly bie hawhta, MEC Assembly ryh liata hria ngahaipa, Lialaipi, Sabyhpi nata Ngephepi zy tawhta hriatuhpa zydua 42, Health and Hope Myanmar liata hriatuhpa thokhazy chhao July 8-9 chhoh Rev. Teitu Hall liata a chuna hneipa a châ. Pachutuhpazy cha, Rev. Dr. L.B. Siamâ ta Mara châ rona dâh miah pachu ta MEC Awnanopa ta Mara rei ahmâpa eima cha vâta Mara châ he staff zydua thai cheingei awpa ta miah a pachu.



Machâ Zaphetha (TPA Director) tawhta ativyna kyh miah pachu ta, hriatuhpazy he hlao eima hmopa he niedo rakha chata a châ vâta sado tao pha awpazy ta thapatlôna miah a hnei.

Machâ Zasaw (Assembly Treasurer) tawhta, hmo eima hneipazy khasia thaina he, hrozie khochhihpa nata eima khihsana liata miah a deichhy phachaipa achâna kyh nata office chhaichhizy pabohsa lyma awpa miah a chho.

Staff zy tawhta he hawhta achuna hawhpa he kôcharei maih hnei khe thei bei ula, keimo cha eima hriakho lei vâ, cha leipa ta eima hria thai lei vâ, eima pahno lei vâ chata eima ly ngâsâ kawna tahpa ta ama rei papua hra.

Mission Field Thâti

Mara Awnanopa ta thi nata thaw apahlaopa nata thlahchhana chôta eima chakao ngapa Mission chakaona cha tyhmana nata rairuna hryta Awnano pazy Thlachhana vâta eima sie hnolo chy. Mission Director Rev. S. Lathai chhao aly kawpa ta EMM office cha 6 July 2020 Hriatuano ta atlô haw. Field Secretary thokha chhaota ahladya phakawpa ama vaw hnei hra.

1. Asho field thâti

Asho field Dale chavah kao liata adyuhna a ypavâta khi (20), Ody 43, Maluh 217 zy cha ama chheipah aboh nawpa su 8 lâ liata ama rapai chypa thâti eima pahno. Missionary Pro. P Vabeilua Sittwe office lia y ta, Rev. Daikau Yangon Tai-kyin liata ama chhai chy hra. Relief sôh hmôpazy

1. EMM (MEC) tawh Ks. 750000/-
2. Mch. Khaimau+Mch. Thlasâh Ks. 250000/-
3. Mch. Rôletha Ks. 150000/-
4. Hqrs Lialaiپی tawh Ks. 2500000/-

2. Laytu Field thâti

Laytu Field cha chariahpa buabana y leipa ta thlalôh kawpa ta ama siepha lyma, Covid-19 vâta bualeipa ta Awnanopa vaina chakaona chhao ama hnei pha lyma. Rev. Lôdie Khumi Missionary sawchapaw Pastor Sasa tawh Mission School Mintung khi chata Ks. 500000/- achâh kheina hmôpa a châ.

3. Laymyo Field thâti

Laymyo Gospel Golden Jubilee cha 3 April 2020 chuty noh nokha ahmâpa châta eima râh tawh nôpawzy Covid-19 vâta a vaw hlao thei vei hraw ei sala Misssionary Rev. Thlachhau nata Matupi tawh Pupa Kôhnezy ama vaw hlao theipa vâta eima ly kaw.

- Lay Myo Biehai thei pa Rev. Thlachhau tao pa chhao Jubilee liata papua theipa a châ haw.
- Jubilee alyna châta lyma cha ECM, MEC nata EMMzy lâta pawkho sâhkha chy piepa a châ.

4. Myo Khami thâti

Myo Khami he chariah vâta rairu chaina field sâkha a châ. Awnanopa yna khi 18 liata khi 3 arao haw odyh 112, Maluh 749 hryta IDP camp liata maluh 155 ama y.

- Covid-19 vâta eima chakaona eima hnei thei khaoleipa chhaota Awnanopa oto chhoh to thlahchhana hnei kei thei lymapa a châ.
- Myo Khami Golden Jubilee cha chariah vâta kyhchhitao thei khao va ei, lobo chata Ks. 1200000/- Pihnô Zaw Zaw nô (YMEC) ta vaw taota November 26, 2019 Taungmi Local liata July 11, 2020 liata alyna bie reina thlahchhana taopa a châ.

5. **Mro Field thâti:** Mro Field he chariah vâta ama rairu chaipa field a châ. Awnanopa yna khi 38, ody

378, Maluh 2230 hryta Ody 181, maluh 1022, he refugee camp liata ama y. Cha hawhta rairu hrasala chakaotuhpazy ta Awnanopa ama laipha lyma.

- Thobu Local Achhyna O, Pupa Hemau chhohkha (Australia) Ks. 3500000/- cha May 3, 2020 liata ama pahy haw.

- Mro Krizyha hlabu ama papua thei haw hra. Khazohpa lâ liata alyna bie eima hla hmeiseih.

Awnano member nata Local zydua thlahchhana he Mission field châta vaw tiama lyma heih teh-u.

LTC thâti

1. Lorrain Theological college and Mission Studies Centre liata Chanô Hostel nata Pati niena o dâthohpa he sa patlô hawpa a châ. He châta apie pasaipa phupy nata Awnanopa ngiapâtu nama zydua lâta Krista moh ta alyna bie eima cha hlâ.

2. LTC liata Computer achuna awpa chata FELM tawhta baona eima hmo. Computer sâhraw cha leipa a châ. LTC liata achupa zydua ta Computer basic course a chu awpa a châ bâ aw.

3. Achuna pahy awpa he sawhkha biephuapa mohpa ta pachhuahpanohpa châta pahy mah leipa a châ. Pahy theina daihti liata thâti pahnosana eima vaw tao aw. Thlahchhana liata kha miah a thei lymâ muh vy!

4. Covid-19 ta miah chahry hrasala 2020 kô LTC Sunday he nama ryhpaohna hawhta nama hmâpha pa vâta nata nama vaw châhkhei chyupa vâta eima thlalôh hmeiseih. Krista moh ta alyna bie eima cha hlâ. Tahma taih ta LTC Sunday hmopa zy châ.

LTC Office liata angiapa

1. Tennessee Local Church	443800/-
2. Taikkyi Local Church	150000/-
3. N. Carolina Local Church	418600/-
4. Georgial Local Church	257500/-
5. Maryland Local Church	683200/-
6. Hlegu Local Church	42000/-
7. Kentucky Local Church	135400/-
8. Texas Local Church	454600/-

Lialaiپی office liata angiapa

9. Lialaiپی Vaihiپی local church	356300/-
10. L.Station local church	125000/-
11. Liataita New local church	151650/-
12. Lialaiپی (A) local church	445900/-
13. Teina local church	57000/-
14. Chakhai (O) local church	69000/-
15. Chakhai New local church	97850/-
16. Chakhai, Selem local church	20000/-
17. Taubu (A) local church	75050/-
18. Aru local church	85200/-
19. Lialaita Old local church	63000
20. Salyu loca-331 church	67000/-
21. Sosai New local church	21200/-

22. Sosai A local church	47000/-
23. L.Siaha	35700/-
24. Ma U	61500/-
25. Salapi	29600/-

Pastoral Ministry Department

Covid-19 vâta achhyna o liata ahmao pakhyna a y khao lei tawhta daihti varopi a vaw châ hawta, Awnano sahlao thokhazy cha chhônkhâ maihsa phapa padua ei ta, thokha zy châa cha covid-19 daihti he raona lâ a vaw châ hra. He hawhpa daihti liata sawhkhâ dâh nata ryhpa parao leipa ta Awnanopa vaihthaina tlua awpa he pastor-zy maohphaona a châ. Ema Awnanopa sahlao-zy vaih pha chy e sui vy!

- 18-20 July 2020, Sabyh Biatuhpa Rev. Tlabie tlyhna hneipa châ ta, thlahchha baona nata thapatlôna hneipa a châ.
- 24-27 July 2020; Dawlei Biatuhpa Rev. Meitha tlyhna hneipa châ ta, thlahhchana nata thapatlôhna hneipa châta, Dawlei khih ta apachhuahpanoh "Chhituhpazy Retreat" liata daihti tovyuh rôhna kawpa hnei theipa a châ.
- Biatuhpa pastor-zy tlyhna hnei lymâ awpa he eima chhuahna a châ.

Rev. Dr. Si Khaw (AGS)

KTP Department

KTP Hâta ahmâna cha covid-19 vâta office tawhta program phapa tao thai khao leipa pi ta, anodeikua thokha Local KTP zy ta KTP Hâta ahmâna he pasô kaw eita, achhyna o tawhtazy Guide bu reipa ta ahmâna hneipa châ ta, byhna ama to phana report daopa a châ. Khazohpa ta KTP Department he my leipa ta, byhnâ miah a pie lymâpa vâta ANo lâta alyna bie eima hlâ! KTP sôh-zy he hawhta eima hmô chy. Thlahchhana ta chakao lymâ sui vy!

Local KTP	Hâta sôh	Target sôh
Tennessee	154800/-	300000/-
Kentucky	270000/-	200000/-
Australia	560000/-	600000/-
Dawlei	45000 /-	150000/-

MEC Moderator nata sahlaozy Patheitla High School alyna kyhchhi amâ hlao

Patheitlâ High School Branch cha High School a-ipa lâta pakiapa a châ vâta July 24, 2020 noh ta alyna kyhchhi hneipa a châ. Cha kyhchhi liata ahlao hra awpa ta Patheitlâ nôpawzy ta MEC Office, Lialaipei liata nôpawzy vaw hrua ei ta, Rev. Victor Ve U (Moderator), Rev. Dr. L. B. Siana (General Secretary), Rev. Dr. Zôdau (ES, Education) nata Mch. Zasaw (Treasurer) zy ta ama hlao thei hra. Cha alyna kyhchhi liata School pahyna program hneipa châ ta, MEC Moderator nata Sayamakyi Zaikhe (Acting Headmistress) zy ta Ribon chakie pahyna ama hnei.

Biereina program liata MEC nôpaw zydua bierei tovyuh piekhai ei ta, Village administrative Secretary (VAS) nata Sayamakyi zy ta biereina ama hnei. Bierei na hneikhai tawhta M.Ch.P zy ta Volleyball akhaina hneipa châta ama lymâ awpa ta Pupa Duaw-ma (VAS) ta a papuapa Dawbei kha 10-pa a châ. Alyna kyhchhi he Viachao tôhpa nata vao sô 7 pa ta taopa a châ. Khinôpa zy hruapa châta chyhsa mo 100 daima khichhai ama hlao thei.

Patheitlâ he Paletwa bia liata Mara khihzy liata mopathâ kawpa a châ. 1956 liata Primary school private ta padua eita, 1958 liata sawhkhâ ta Primary school a vaw pie. 1976 liata Middle school private ta vaw tao heih ei ta, 1986 liata sawhkhâ tawhta Middle school cha ama vaw pa-i heih. 2001 kô ta High school private vaw tao ei ta, sawhkhâ tawhta Branch High school he 2006 liata a vaw pakia. Atakô 2020 liata High School tlohpâ vaw pie ta, pachutuhpa deikua mo 2 ngâlâh sawhkhâ ta a vaw pie ei. Atahma he Covid-19 daihti a châpa vâta High School pahy pasaipa châ eita school hawti mo 40 ama y. Khisawzy thapasana ta pachu-tuhpa (Magway tawhta nata Kalay tawhta) mo 3 ahlâh eita, ama High School cha ama siekhei pathao nga.

Pahnosana

- KHP maluh statistic paphao awpa KHP maluh Statistic he Hqrs. Lailenpi; KHP Secretary lâta a paphao mâhleipazy nama vaw paphao ba awpa ta pahnosa chaneipa a châ.
- Myanmar sawhkhâ tawhta Covid-19 vâta zawpi apahmaonazy tao mâhleipazy awpa ta Order cha August 15 taihta a pasie haw heih. Chavâta zawpi a hmao pakhynazy tao mâhleipazy awpa nata yzie thai kawpa ta atyu adua chy awpa ta eima cha pahnosa.
- Sunday School achuna patôhpatiana liata Covid-19 avaina dâryhpa hawhta hmaopaky (Mask) zy, ku asina zy, pakha nata pakha a pahlanazy (social distance) taopa ta Sunday school pachusa awpa ta pahnosapa nama châ.
- Covid-19 vâta atakô Mara Education Day cha noh thliepa (August 4) liata a hmâh thei mah aw mapi. School zydua ama vaw pahy tawhta local to nata school to ta ahmâna program eima chaw paphao aw.
- MCPC tawhta khi to ta Hmaopaky (Mask) zy, Ku pasy (glove) zy, sâhbaw zy, nata Inferred Thermometer châta Battery eima pie ngâ. A to mah leipazy Paw Vabiehniesâ (09778899018) nata Paw Ngohmosa (09763043774) azaopa ta MCPC, Centre Office (Health and Hope Office) liata nâmâ vaw pado aw. Hmodâh he khikha tovyuh cha Kg mia 3 rachhôn a hri aw.
- Atahma chhôn LWF nata FELM tawhta Covid-19 response châta deichhyna achyhta sai local lâta

piepa kha nama local liata nama rai tita, nama raina dâh he GS lâta nohlahpa chhaota report pie awpa pahnosapa nama châ. MEC Pastor Akaona (Messegger Group) liata report pie theipa a châ.

July thlah chhò maniah pahasai hawpazy châta thlahchha khei awpa

1. Sayama Maikhainge, Lialaipi cha Yangon liata July 12/2020 liata mia apahasai haw.
2. Pupa Rebei (Mangaipaw), Locheipi cha kô (70) cha July 12/2020 miah pahasai.
3. Saya Khailaw (Ngohnepaw), Ralie khihpa cha July 18/2020 liata maniah a paha sai.
4. July 23, 2020 liata St.Chhuasa, Pârâ cha, Sahmi myo liata Fire Service Department lia ta ahria ngahaipa cha pavypi pasana vâta Paletwa thohna o liata miah a vaw paha sai haw.
5. Ht. Rianai (Shwelikhai), kô (13), Py (7) a chu awpa cha July 26/2020 liata Lialaipi liata maniah apah sai haw.

Thâtih lâ pakhyapa

1. MTP cha Covid-19 avaina raihria liata apasai pha kaw vâta Myanmar sawhkha, Aung San Suu Kyi tawhta mophana ryuchâ ahlâ ei. Eima palai khei ngâsâ
2. COME siku (MMM) liata siku hawti kia awpa ta mo a vaw pangiapa 100 hlei pha haw ba eita, Sayakyi David Heichha cha a tymâkhei nga. Khumi chyhsapa (20) chhao atakô liata ama kaw kia hra.
3. 2020, November Myanmar General Election liata Mara saw, (1) Pupa Zacho, Lelei; (2) Pupa Zupai, Ngephepi; (3) Pupa Tlaivâ, Tisi, (4) Pupa Rawma, Peite, (5) Pupa C. Letlô, Sabyhpi, nata (6) Satlia Hmotu, Sabyhpizy ama patlâh hra aw. Macha pakha ta heta tluta Marasaw M.P ama patlâh thei ama ypa vata ama tloh leipa chhao ei lytu ngâsâ hawna. Ama tloh chhochhi khiah cha masiah taihta thi awpa ei khoh a tah.

Khizaw Thâtihzy

1. Khizaw râh 213 chhòh liata potlâna tlôta hriia aveihpa 16652679 cha eita athipa 656686 ama cha. Hriia aveih chaipa râhzy cha America 4433410, India 1484136, Rusia 818120zy ama cha, Hriia a veih ma, veih vei ma, ama thi ma? ama hro ma? tahpa ama pahno thei leipa râh cha North Korea râh a châ.
2. Covid-19 he Talu (China) râh tawh a vaw puapa châta, hriia a vaw y chhana alaichadai awpa ta China sawhkha ta a pasai leipa vâta zoleina noh charei alai via nga. Khizaw lia bie hneituh chaipa châ awpa ateipa vâta Covid-19 hriia he ataopa a cha tahpa ta khizaw râh hluhpi ta zoleina ama hnei. He thâtih nata azaopa ta Talu hmotao phaleipa zydua

phuua papua lymâ eita tahma cha khizaw adyuna râroh y ngâsâpa patlôsa awpa lâta a cha haw.

Talu he hmodâh pakheipazy taopa ta hneirôh achhuahpa râh nawh viapazy sipasa viapazy dyu pacheisa ta apôhna hluhpi lâpa ta sei ta tao achhuahpa, thaina sona hawpazy a paru laipa kyh pachâna apahno leipa a opâzy chô liata dusaw ta ama cho a tai laihipa tahpa ta mochhie paphaopa ta, tahma cha, America nata viasa râh 27 ta charia chhaichhi atobipa ta Talu tilaipi chhòh liata ama chiehpa ta ama y.

India râh chhao eima hnola râri kyh buana vâta Talu chô liata a palôtlâh leipa ta charia chhaichhi phapa a pahmao pasy nga hra. Japan nata South Korea chhaota Talu sawhkha he North Korea beipa chyhsa chhiepa hmâpa ta miah a pabua thei aw tahpa vâta tahma charia chhaichhi atobi chiehpa ta ama mâ thlâh ha hra.

Talu râh liata Electric pakhaina awpa châta Yansin chahva lai ngâsâpa toh eita, tahma chho avâ thata sua ta, pasipasaona bieta India nata Myanmar râh lia avâ a sua tyhpa zydua kha Talu râh lâta â paly khai haw tahpa taihta rei ei ta, avâ thata a sua vâta ti ama tohpa hôh vana a tah haw. Ti hôh tlai mawh sala, Talu râh cha, chyhsa sahluhpi thi aw ei ta, o nata lyu chhao thata a rao aw. Talu hmotaopa zydua chalei khaolei awpa ta Campaign a khai chaimâh ei ta, Japan nata America zy cha ama raihria su, Talu râh tawh paly ei ta, tahma cha raihria ahnei leipa 200 million pha haw ei ta, Talu abua pathao nga. Myanmar râh liata adyuna atanoh taihta a diah thai khao leipa he Talu thâpatlona vâta a châ ta eita ama hi ahâh pathao nga hra.

Ismela chi pathla Iran ta Izarei he khizaw lia a y rai y khao lei awpa ta kô hluhpi a vaw tei lyma. July 20 liata Izarei ta, Iran sawhkha ta Izarei a dyuh awpa ta tha apatlôpa Hama tapu yna zydua bomb ta azao-mina taihta a ka haw.

Izi râh liata a lohpa Nile chahva hnawh lâchhâh Etiopia râh liata China sawhkha baona ta Nile chahva teih chaimai eita, tihnav chhao khazie rakhama, chhi awpa ama chhuah. He vâta Izi cha apalôh tlâh khao leipa ta charia thao awpa ta a pahi pahâ nga.

Ngephepi Office Sub. Headquarters tawh thâtih

Ngephepi khih sawzy cha, khihtlypa, khih chhòh ahlai ahlâna apha thei lymana awpa ta hata eikha liata nokha he lapizy paryhna ta ama hria lyma. Awnanopa chhao siepha lyma ta suhraw Sukha piena lachha he achyta tla pahnai via haw pita Mission sôh deikua tlâ pahnai via hlei mapi. Covid daihti achâ vâ tlyma, khihsawzy cha sadô tao pahâ kaw sai eita, a eih via chaite dedau nata coffee he sadô he ama tao via chaipa a cha tahpa Rev. Sa E hmo, ES Social concern tawhta thâtih eima dao.